



Dyddiad creu: 24/06/19  
Dyddiad cyhoeddi: 05/07/19  
Rhif y fersiwn: 1.00

---

<b>Maes Gwasanaeth:</b>	Adran Isadeiledd
<b>Man Gweithio:</b>	Grŵp Gweithrediadau Priffyrdd
<b>Manylion cyswllt:</b>	<a href="mailto:draenio@caerffili.gov.uk">draenio@caerffili.gov.uk</a> Ffôn: 01443 866511
<b>Enw'r Hysbysiad Preifatrwydd:</b>	Ceisiadau i'r Corff Cymeradwyo Systemau Draenio Cynaliadwy
<b>Disgrifiad o'r Hysbysiad Preifatrwydd:</b>	Bydd yr hysbysiad preifatrwydd hwn yn esbonio sut y bydd Cyngor Bwrdeistref Sirol Caerffili yn defnyddio'r wybodaeth a ddarperir gan ymgeiswyr wrth brosesu ceisiadau i'r Corff Cymeradwyo Systemau Draenio Cynaliadwy.

## Sut y byddwn yn defnyddio'ch gwybodaeth

### Diben a sail gyfreithiol ar gyfer y gwaith prosesu

#### Diben y gwaith prosesu

Bydd Cyngor Bwrdeistref Sirol Caerffili yn prosesu'ch cais i'r Corff Cymeradwyo Systemau Draenio Cynaliadwy, eich manylion adnabod, eich manylion cyswllt a'ch gwybodaeth atodol at ddibenion penderfynu ar eich cais ac i roi penderfyniad i chi ac unrhyw ddogfennau cysylltiedig eraill. Fel rhan o'r broses, gallwn ymgynghori â meysydd gwasanaeth perthnasol o fewn CBSC a sefydliadau allanol perthnasol ynghylch eich cais i'r Corff Cymeradwyo Systemau Draenio Cynaliadwy.

#### Sail gyfreithiol ar gyfer y gwaith prosesu

Gan weithredu fel yr Awdurdod Llifogydd Lleol Arweiniol, mae gan CBSC ddyletswydd statudol i brosesu eich gwybodaeth fel y manylir isod:

- Deddf Rheoli Llifogydd a Dŵr 2010

Er mwyn i brosesu data personol fod yn gyfreithlon o dan y Rheoliad Cyffredinol ar Ddiogelu Data 2016, mae'n rhaid nodi amod dilys o erthygl 6 o'r Rheoliad, a amlinellir isod:

1(e) mae angen prosesu ar gyfer cyflawni tasg a wnaed er budd y cyhoedd neu wrth arfer awdurdod swyddogol a freiniwyd yn y rheolwr.

## **Pwy fydd yn gallu cyrchu eich gwybodaeth?**

### **Manylion y Rheolwr Data a'r Swyddog Diogelu Data**

Y Rheolwr Data ar gyfer eich gwybodaeth yw Cyngor Bwrdeistref Sirol Caerffili. Y Swyddog Diogelu Data yw:

Ms Joanne Jones  
Rheolwr Llywodraethu Gwybodaeth Gorfforaethol / Swyddog Diogelu Data  
E-bost: diogeludata@caerffili.gov.uk  
Ffôn: 01443 864322

Efallai y bydd Rheolwyr Data eraill hefyd yn gyfrifol am eich gwybodaeth, yn dibynnu ar yr amgylchiadau penodol. Am ragor o wybodaeth, cysylltwch â'r Maes Gwasanaeth.

### **Manylion am brif ddefnyddwyr eich gwybodaeth**

Tîm Gweithrediadau Prifffyrdd a Chymorth Gweinyddol/Technegol.

### **Manylion am unrhyw rannu o'ch gwybodaeth o fewn Cyngor Bwrdeistref Sirol Caerffili**

Gellir ymgynghori â meysydd gwasanaeth perthnasol o fewn CBSC ynghylch eich cais. Mae hyn yn cynnwys y canlynol, ond heb fod yn gyfyngedig i hynny; Gwasanaethau Prifffyrdd, Iechyd yr Amgylchedd, Gwasanaethau Peirianeg, Cefn Gwlad, a Chyfreithiol.

### **Manylion am unrhyw rannu o'ch gwybodaeth â sefydliadau eraill**

Gallwn hefyd ymgynghori â'r cyrff hynny a nodir yn Atodlen 3 i Ddeddf Rheoli Llifogydd a Dŵr 2010, sy'n cynnwys y cyrff canlynol, ond heb fod yn gyfyngedig i hynny; Dŵr Cymru, Cyfoeth Naturiol Cymru a Glandŵr Cymru (Canal & River Trust).

Os daw apêl i law yn ymwneud â'ch cais i'r Corff Cymeradwyo Systemau Draenio Cynaliadwy, byddwn yn rhannu gwybodaeth â'r Arolygiaeth Gynllunio a Gweinidogion Cymru.

### **Ceisiadau am wybodaeth**

Mae'n bosibl y bydd yr holl wybodaeth a gedwir gan Gyngor Bwrdeistref Sirol Caerffili yn destun ceisiadau o dan Ddeddf Rhyddid Gwybodaeth 2000, Rheoliadau Gwybodaeth Amgylcheddol 2004 a Deddf Diogelu Data 1998.

Os bydd y wybodaeth a ddarperir gennych yn destun cais o'r fath, bydd Cyngor Bwrdeistref Sirol Caerffili yn ymgynghori â chi ynghylch ei rhyddhau, lle bo hynny'n bosibl. Os byddwch yn gwrthwynebu rhyddhau eich gwybodaeth, byddwn yn cadw'r wybodaeth yn ei hól, os bydd y ddeddfwriaeth berthnasol yn caniatáu i hynny ddigwydd.

## **Am ba hyd y byddwn yn cadw eich gwybodaeth?**

### **Manylion am y cyfnod cadw**

Mae'r cyfnod y mae Cyngor Bwrdeistref Sirol Caerffili yn cadw gwybodaeth yn cael ei bennu drwy ofynion statudol neu arferion gorau.

Mae'r Cyngor yn cadw cofnodion o geisiadau i'r Corff Cymeradwyo Systemau Draenio Cynaliadwy o fis Ionawr 2019 hyd at heddiw. Cedwir cofnodion mewn system rheoli dogfennau electronig, ac fe'u cedwir am oes y datblygiad.

## Eich Hawliau (gan gynnwys y Weithdrefn Gwynion)

### Eich hawliau dan gyfraith Diogelu Data

Mae'r ddeddf Diogelu Data yn rhoi nifer o hawliau i destun y data (y rheiny y mae'r wybodaeth yn sôn amdanynt):

- Hawl i gael mynediad at ddata gan y testun – mae ffurflenni cais ar gyfer y broses hon ar gael ar ein gwefan: [Ffurflen Gais am Fynediad at Ddata gan y Testun \(SAR\)](#)
- Yr hawl i gael gwybod
- Yr hawl i gywiro
- Yr hawl i ddileu
- Yr hawl i gyfyngu ar brosesu
- Yr hawl i wrthwynebu
- Yr hawl i gludadwyedd data
- Hawliau mewn perthynas â gwneud penderfyniadau a phroffilio awtomataidd.

Mae rhagor o wybodaeth am eich hawliau ar gael ar y wefan hon: [www.ico.org.uk](http://www.ico.org.uk)

Er mwyn arfer eich hawliau, cysylltwch â'r maes gwasanaeth y manylir arno ar frig y ffurflen hon.

### Y Weithdrefn Gwyno

Os ydych yn anfodlon â'r modd y mae Cyngor Bwrdeistref Sirol Caerffili wedi ymdrin â'ch cais/gwybodaeth, mae gennych yr hawl i gwyno. Cysylltwch â'r Maes Gwasanaeth, y manylir arno ar frig y ddogfen hon, gan amlinellu eich pryderon.

Os byddwch yn parhau'n anfodlon, mae gennych hefyd yr hawl i gwyno wrth Swyddfa'r Comisiynydd Gwybodaeth. Dilynwch y ddolen hon am ragor o wybodaeth am y broses gwyno.

[www.caerffili.gov.uk/My-Council/Data-protection-and-freedom-of-information/Questions-and-complaints?lang=cy-gb](http://www.caerffili.gov.uk/My-Council/Data-protection-and-freedom-of-information/Questions-and-complaints?lang=cy-gb)

---

# Crynodeb o'r Hysbysiad Preifatrwydd

---

## Sut y byddwn yn defnyddio'ch gwybodaeth

Bydd Cyngor Bwrdeistref Sirol Caerffili yn prosesu'ch cais i'r Corff Cymeradwyo Systemau Draenio Cynaliadwy, eich manylion adnabod a'ch manylion cyswllt at ddibenion penderfynu ar eich cais ac i roi penderfyniad i chi ac unrhyw ddogfennau cysylltiedig eraill. Fel rhan o'r broses, gallwn ymgynghori â meysydd gwasanaeth perthnasol o fewn CBSC a sefydliadau allanol perthnasol ynghylch eich cais.

Mae'r sail gyfreithiol ar gyfer prosesu eich gwybodaeth yn dasg gyhoeddus a byddwn yn cadw eich gwybodaeth am oes y datblygiad.

Mae gennych nifer o hawliau mewn perthynas â'r wybodaeth, gan gynnwys yr hawl i gael mynediad i wybodaeth sydd gennym amdanoch chi a'r hawl i gwyno os ydych chi'n anhapus â'r ffordd y mae eich gwybodaeth yn cael ei phrosesu.

Am ragor o wybodaeth am eich hawliau a sut rydym yn prosesu'ch gwybodaeth, cliciwch ar y ddolen ganlynol:

[{Hyperddolen i'r Hysbysiad Preifatrwydd Llawn ar ein gwefan}](#)